

摘藻堂四庫全書薈要

集部

欽定四庫全書薈要

集部

御製詩初集卷

五

六

詳校官原任編修臣徐立綱



欽定四庫全書薈要卷一萬三千二百七十八

集部

御製詩初集卷五

古今體八十八首

辛酉一

辛酉元旦

律轉三陽泰天開大造春共球朝萬國垂拱御元辰木

德方臨甲金穰歲在辛所期寰海內熙皞戴鴻鈞

上元節侍

皇太后宴恭紀

風光午夜漏聲沈霧擁金輦瑞靄深仙樂盈空

王母降花燈徹旦上元臨歲呈豐稔歌頻祝

壽獻岡陵酒滿斟更喜

天恩飄六出金蓮萬朶映瑶林

恭讀

皇祖聖祖仁皇帝聖訓見蠲賑之政歲不絕書用培我

國家萬年元氣世世子孫所當奉為法守也

當寧開千禩承

天御八埏恫瘼勤保赤宵旰祈年歲歲頻蠲賑殷殷
切惠鮮湛恩周鄙屋大政紀瑤編家法猶然在孫曾試
勉旃萬年培國本捧讀倍乾乾

正月二十七日雨

春暖雪為雨

天恩兆有秋布空雲似幕灑地澤如油倚聽聲猶細憑
觀勢更悠土膏萌動日樂事在田疇

永泮

初春時節散晴暉
蕩漾新波鴨綠微
乍解流澌漂玉片
且遲蘸影語金衣
午暄檻外觀魚負
天淨湖中有雁飛
擬向名園問風景
耽遊還懼此心違

春日載陽土膏滋潤
努力東作正宜其時
既命各省督撫勤宣
朕意其有籽種不足
者量借予之又成此
詩以示重農務本之
意

去年冬雪少厓懷殊
未置入春稍釋憂霑
足叨

天賜更喜遠近同優
渥遍大地東作此其
時可不盡人

事因命岳牧臣共勛勤宣意督耕策其惰借種施以惠
唯此重農心匪慕驩虞治

因齋戒進宮見路旁春耕者喜而有作

荷鍤春耕正及時停鑿一覽喜應知茅檐亦有龐眉叟
扶杖來省力穡兒

平林布穀未催耕亞壠來年綠已萌何用金吾呼警蹕
勸農一幅畫中行

讀朱子全書

少時慕才華研精味辭藻微言探月窟逸興橫雲表措
思每廢餐兀兀忘昏曉雖云俗慮無却被詩魔擾至理
在目前棄而求深窈曠蕩無所歸悵悵盈懷抱近讀文
公書習氣從茲掃因知九仞山一簣功不少作此聊自
訟詎足云見道

春夜聞雁

春夜漏微長春眠枕尚涼數聲聞雁信幾處歷江鄉為
愛天邊月非傳塞上霜衡陽隔千里來往為誰忙

賦得草色遙看近却無

極目芳郊綠漸萌
輕烟細雨若為情
却輸書帶紫牕細
暫借波紋貼地平
通野望來猶在苒
停鞭覓得未分明
漫言春色曾無定
萬有都從箇裏生

弘德殿

高閣傳銀箭
朝暾散綺疏
憂心周部屋
豈隔九重居

辛酉仲春祭

社稷壇

秩宗尊百祀，斂福錫羣黎。典重

明禋盛，心殷望歲齊。牲牷陳俎豆，南雅奏金輦。六出新
飄瑞，公田正好犁。

春水

溶溶出御溝，曲曲繞龍樓。弄影澄清照，因風響細流。涵
空天作底，湛色綠於油。一派恩波似，還思與物周。

上苑初春

堆秀山前桃始華，延暉閣畔柳絲斜。晴光搖颺金城曉，

花色分明玉砌霞瓊苑初停青帝轡瑤臺欲綻鼠姑芽
却將底事消幾暇淪茗翻書趣轉賒

辛酉仲春經筵親詣

傳心殿行禮敬成一章

布治遵

前矩崇文御講筵先期修

祀事親詣致心虔禮樂薄殷夏經綸在簡編執中恒自

凜敢曰繼薪傳

書法中取喜黃庭堅筆意因而有作

羲之稱書聖諸體無不有齊梁作者無李唐推顏柳惜
哉世已遠質者十之九宋元差可尋翰墨出親手幾暇
戒宴安時或遊藝數就中名蹟夥惟愛魯直叟個儻無
安排瀟灑絕塵垢譬如百尺松孤高少羣偶信筆一規
摹運腕忘妍醜所師在神勁詎論形肖否伊余有深意
筆諫曾謹守好尚苟不端喪德良已厚所愛汲黯慙裁
詩銘座右

山桃始開

鴻鈞鼓大治萬物被甄陶
條風細以吹漸覺物華撩
輕黃染柳絲新紅綻山桃
尋春初見之嘉爾占青韶
沐雨猶娟娟映日方天天
物理有如此四時嬋榮凋
伊余惜分陰食旰而衣宵
學期尊孔孟治擬法陶姚
究之實際難裁詩空自嘲

戲擬春思四首

昔年春思杳難尋
祇覺憂懷歲月侵
未閱封章先預度

郊原曾否足甘霖

戶外條風取次吹不知曾過幾番兒
好將花木占農候
愛煞輕黃嫩綠時

風流潘令花為縣
個儻蘇翁雨作亭
試擬新詞評萬卉
紅紅只合讓青青

御柳宮花咽語禽
等閒春色不關心
辛勤東作期方始
未得從容杖策尋

唐岱倣郭熙山水

丹巒翠峯萬重深古寺疎鐘度遠林
最愛河陽瀟灑處濛濛雲氣濕衣襟

二月十二日經筵

金門旭日麗初晴講席春和盛典行
啓沃久登黃閣老探研今對玉堂卿
祇應風化孚民俗漫道平康起頌聲
猶憶昔年

庭訓切書紳一字道惟誠

花朝日侍

皇太后遊宴御園

上苑韶華正可憐
瓊英珠蕊幕祥烟
人遊愛日春方永
物被和風色轉妍
織錦絲垂亭畔柳
流霞杯送水中仙
欲知

色養歡無限
只在

慈寧輦轅邊

仲春雨景

翠華搖颺出皇州

是日幸
圓明園

細雨清塵潤麥疇
最喜如膏

利東作歡情不為暢春遊

御園花事正穠和恰稱平明宿雨過霞錦緋桃新似濯
烟絲綠柳欲生波

乍雨乍晴春事好

今春時雨時暘為數年所罕觀誠浩蕩天恩也

宜詩宜畫

物華殊珠簾四面圍紅綠一葉輕舟泛御湖

幽風圖畫北村便一覽春耕倅適然饒有山桃排兩岸
也分時雨潤紅鮮

春池泛舟

一篙新綠漾波明
蘸影金絲弄午晴
不舍如斯觀妙道
載舟可譬察輿情
湖山入畫迎人翠
鳬雁當春得意鳴
不是嬉遊廢宵旰
每從物理驗生生

清明日

雍和宮行禮感成長句

六載流光逝水同
悽愴孺慕思無窮
當年侍

膳濯龍沼此日含哀興慶宮祇擬承

歡春夢裏可能聆

訓午庭中徘徊欲去還留在無限悲雲滿碧空

養心殿杏花

託根依玉砌綻蕊臨珠殿却羞欺雪梅小試宜春面案
香風度簾晝靜霞明扇方厘節屋憂未擬華林宴

辛酉仲春耕藉

布政宜敦本當春乃勸農良辰耕帝藉膏雨遍畿封輦
路華旌映城闌瑞靄濃

明禋先致享

神格益滋恭耒耜青箱列公卿法服從三推親竟畝百
室願如墉

皇考貽謨烈齊宮著肅雖無須陳夏諺即此仰

堯蹤

讀明史

幾餘何所樂書史案頭橫稽古徵文獻詮時驗治平百
年民物盛一代紀綱呈撫卷增乾惕還垂殷鑒明

闕聖祠

蕭寺疎鐘引客尋履階松柏綠森森壁圖省識風雲氣
天漢長懸忠勇心繞屋竹風翻妙偈當空水月滌塵襟
芘芻為紀生平蹟饒有閒情論古今

暮春望雨書懷

幾片輕雲散作霞炎風時捲土兼砂不須羯鼓催花放
未足甘霖懶看花

暮春喜雨

膏雨優而渥油雲散復凝生機蘇麥壠瑞氣遍春塍淨

洗天光碧醲薰花氣蒸敢誇誠敬格省已益兢兢

初夏幸靜明園

雨足林巒偶一過離宮別館玩清和紅迎列仗雲霞麗
香繞遙村餅餌多泉奏琴音流砌畔風傳梵響度巖阿
侍臣誰獻相如賦止輦還聽野叟歌

初夏雨景

一夜甘霖沛澤流朝來點滴勢方稠桐孫綠嫩重經洗
魚子黃肥盡欲浮濕潤侵階疑溽暑峭寒著體訝新秋

倚吟無限心中喜
麥壠芄芃正似油

玉壺

玉壺銀箭送聲聲
暘谷纔升旋質明
莫使分陰容易過
獨將書史驗生平

園中芍藥盛開恭奉

皇太后遊宴

公田膏澤足上苑
翠華移喜觀

慈顏豫欣依愛日
遲錦叢迷蛺蝶綠
萼綻胭脂堪作花

王殿疑逢夢雨祠
穠華天與麗芳馥
夏偏宜曉露凝珠
彩如擎獻

壽卮

玉泉柳

玉泉一株柳臨水
弄晴絲遊魚驚避
去疑是釣竿垂

細雨

細雨廉纖勢正長
清和膏澤被羣芳
油雲出谷藏山色
亂點飛空接水光
萬頃黃添麥穗潤
千畦綠重稻苗香

宵衣對此增乾惕敢恃豐年樂阜康

日暮

雨洗天光碧日射霞彩爛
鴛鴦飛意閒蛙蚓鳴聲亂
西山入綺疏流雲時聚散
靜觀物我皆如如龍團細試供清玩

櫻桃

綴林珠實滿帶葉玉盤盛
消熱憑新蔗偷含引早鶯
錦江曾有句樂府舊傳名
絲籠頻頒賜因聯上下情

燈

騰輝照綺席散彩當珠殿馥馥博山香遲遲玉漏箭影
射桃笙流華映鰕鬚絢九枝非所貴分陰誠可羨方勵
焚膏志敢卜通宵宴剪檠閱奏章毋使目光眩

初夏日聞鶯

雨餘新綠林初鎖風傳曉曉聲聲可臨流度陌弄晴暉
柳絲花片紛婀娜何處傷春不忍聽誰人求友最關情
雙柑斗酒兩無賴絲絲孤竹空復鳴參差流韻紗牕綠

金猊半炷蘭煙馥想見茅檐力穡人當作村頭呼布穀
觀魚

曲池風穀靜綠水鏡光平在藻悠然逝依蒲自在行網
眾從未入鱗鬣不須驚依檻知魚樂微吟驗物情

麥

平疇膏雨足夏麥芄芃美良苗將秀時翠浪翻數里朝
曦淡以暄珠露垂纍纍緩騎晒綠畦香風扇餅餌祈年
廛淵衷敬誌心中喜

四月二十一日聞蟬

庭柳陰陰綠絲重柳下風莎翠波送
宵將遊覽遣幾餘
案頭卷帙資洛誦何來嘒嘒一聲蟬
高枝流響韻悠然
幽情斷續如重訴坐令嘆息驚流年
我聞光陰等逝水
又聞天地齊一指枯枝餘蛻可憐生
新故遷流揔如此

見鋤禾者

亞隴新苗草半封三耘豈憚汗流曾
庭羅玉食誠多愧
終歲辛勤只老農

曉起

首夏曉猶寒
閒庭澹風露
一輪初日上
紅暎東林樹
徘徊試瞻眺
雲巒互吞吐
鶯聲得得來
花事堂堂去
念茲過隙陰
馭朽尤堪慮
憑軒待奏章
玩物非所慕

詣暢春園

皇太后宮問安

窄地青絲兩岸圍
鷗波雲影漾朝暉
輕舟喜近瑤池境
芳甸初開玉版扉
却憶

含飴心切切

暢春園係
皇祖臨幸地也

每親

色笑樂依依敬承孝治尊

家法長奉

慈寧禕鞠輝

賜直隸總督孫嘉淦巡邊歸覲京師

厯知天塹玉關雄夏壠經行餅餌風堂陞漫言勞逸異
歡生望歲此時同

圓明園初夏即景

綠蔭軒庭晝影移清和時節午薰吹巢殘舊燕啣泥補
聲溫新蟬度柳遲逸興惟憑佳句遣憂懷未許近臣知
日長幾暇翻芸簡還似當年下董帷

秧針

綠水盈疇遠若無新秧似插苔公鬚翻風貼貼疑鋪毯
帶露瀼瀼欲貫珠翠穎透波光潋灩青鋒著雨意舒蘇
勾芒奪得天孫巧刺出豐年一幅圖

榴花



豔質風搖霞彩炫濃粧朝洗露華涼年年似識天中節
的的都開紫絳囊

龍舟

旗颭紅霞鼓角鳴昔年競渡尚傳名愍忠更復懷殷鑒
戀主猶然弔賈生歌奏迴波雲影過棹沿芳渚浪花平
飛龍恰見天中瑞水底魚鰕漫自驚

曉涼

新蟬鳴柳岸清露滴榴房徙倚軒庭靜微吟稱物芳

進宮見路旁麥誌喜

夏雨勻霑麥有秋
黃如雲擁綠如油
夾途識取豐成象
稍釋祈年午夜憂

瀛臺木變石歌效李長吉體

大山穹谷崇且盤
山頭鶴駐曾棲仙
岑巒嶇嶇扶孱顏
金堂玉室相鉤連
雲興霞蔚吐紫烟
含囊靈瑞如陶甄
靈林冥冥冠其巔
其幽叢雜多桂蘭
是為天宇宅天男
乃有異木鎮厚坤
蜺菴杜松非其倫
蔽虧天日無朝昏

為舟十數皆其孫匠石却顧持斧奔水龍噴泉沃厥根
啼蛄弔月星漏痕千雲負霜枝曲卷靈鶴振翅毛羽鮮
老桂漫誇吳質眠白榆空足沈郎錢櫛櫛銀雲車盖翩
挂以雙丸繞魄淵壽比散木已有年女夷不敢司厥權
付之圓盖全其天枝離幻作秦女焉會觀木石茲同壇
為髮為身一體全亭亭傑豎無比肩暖春生玉疑藍田
磷磷爛爛出五源女媧鍊石茲尚存倚林插巖絕攀援
奇疆詎妨山溜穿五丁不可奪其堅端州石工安足論

移來曾受海神鞭五車能上東馬牽都下傾城咸厭觀
方壺蓬島資盤桓辭山不戀山木繁瓊臺璿室何丸丸
果愚風叫露掌寒漢唐池館今依然為薪非火悟火傳
題金昆等所繪慶豐圖

午夜月輪團皇都萬景攢玉樓延漏永火樹奪春寒香
米蛆兒泛銀箏趙女彈可誇豐豫象只合畫中看

題余省倣林椿四季梅

梅椿杜鵑

松竹參差處韶華醞釀中子規猶未識啼怨口流紅

梅花反舌

如知春信至日日喚春來遙指能消渴殘英已貼苔

青梅畫眉

閒却平陽筆幽林借一枝髣髴金衣鳥含桃欲噉時

黃梅翠雀

五月熟梅雨三巴浣翠溪無言類桃李消得也成蹊

初熟

朱日纔當砌薰風不到闌消煩裁綺句祛暑御冰紈榴
火紅猶重苔紋綠未乾遙憐耕作者炙背正忘餐

泛舟見荷花初開

重探芳叢泛御湖清和瀛海即清都何須畫裏徐兼李
不染人間紫與朱六月春光花有信一枝風韻露凝珠
恰如洛浦初逢處未許身邊小玉扶

湖上

湖上風來晚正涼船牕不斷芰荷香亭臺倒影搖空碧

鳬雁歸飛帶夕陽
梧几縹緗清滌暑
冰盤桃李翠生霜
徘徊却待玉輪上
綺句閒吟夜未央

螢

乍見飛螢出流光
繞砌庭明偏依夕
月點似列疎星雨
濕天猶暑風薰草
正青何來動秋思
幽咏為延停

夾竹桃

竹比丰標桃比芳
因風只少透帷香
河陽縣裏元都觀

髣髴劉郎會阮郎

載月舫

荷洲慕浦相參差，車螢莊蝶翩翾飛。
霞光抹天雲漏月，載以扁舟任所之。
舟行月送夕復夕，露滿金盤珠色白。
水輪不改舊年光，誰道流年如過隙。
過隙流年去復周，今年秋是去年秋。
閒情逸思都排遣，一曲清歌盪槩遊。

登賞遇樓臺前韻

為有松為蓋，因依石作齋。
雲烟生砌潤，山翠入牕佳。
綠野咸供望，丹梯即此階。
拈毫抒逸興，至樂傲無懷。

玉泉山題觀音洞

象脅林園遍大千偶然跌坐在山巔壺中弱水三千尺

洞中石穴深杳欲窮其境者皆為水而阻若箇能撐無底船

古香齋題壁

書屋誠清絕脩然水石邊時來聽泉響獨坐愛巖懸日
永人偏靜齋深爽更延忘言翻舊卷髣髴話當年

捕魚

幾暇乘舟學捕魚施罾濺濺礙芙蓉鯉鯉留取鯢鮪放

却為西湖蓄有餘

喜晴

西北風來夏亦涼
北牕初啓學羲皇
片雲歸岫日光漏
濕潤侵階花氣香
雨足已滋禾壠綠
晴開欲晒麥疇黃
華胥入夢非關夢
後樂先憂意正長

覽歷代名臣奏議

念重居天位心殷補衮臣
嘉言陳典籍碩畫贊絲綸
常得懷前鑒還如對古人
翻書清晝永祛暑長精神

治圃

爽風驅片雲，高空收急雨。
颯然衣袂涼，徘徊不知暑。
幾餘罷吟拈，緩步看治圃。
圃師雖鄙言，其言乃可取。
曰：予學灌園，頗亦歷年所。
手足為胼胝，膏艾常偃僂。
寒汲泉底冰，熱耨隴頭土。
夙興而夜寐，力作良辛苦。
然余有所幸，賦質本椎魯。
既不識詩書，詎復諳工賈。
利鮮害亦稀，老此不能去。

河南巡撫雅爾圖奏進新麥

琴撫南薰日正長
封題新麥白如霜
倚吟不為供晨膳
遙喜千家餅餌香

月

穿林含素影入水漾金波
蘆岸蒼茫夕漁舟欸乃歌
砧寒愁越女簫咽泣秦娥
似喜高人賞流光照獨哦

喜子

喜子張羅網蟣蠓為其食
在戶似處堂跂脉頗自得
有童持長竿捕之不費力
纔喜口腹飽旋遭身命殛
物理

有如此觸目堪歎息

日永

日永常披卷堂深鎮下簾
蟬聲從嘒嘒花氣自纖纖
苔潤階生篆雲開峯露尖
徘徊忘物我不覺暑風炎

玉泉山羅漢洞勒壁

石室苔痕古探幽步屨頻
到山清念慮當戶足松筠
此地堪消夏忘言禮應真
靈泉千古澈不必更尋津

靜明園即景

樹自菁蔥花自妍青山當戶足雲煙遊因避暑常攜卷
坐愛烹茶每就泉風度鐘聲來嶺外鳥啣果實落階前
乘閒更上西巖閣樂在桑郊稻壠邊

題郎世寧畫馬

伯樂今難遇誰空冀北羣橫風嘶逸韻意氣欲凌雲

剪蔬

雨畦煙甲茁珠露垂闌干綠潤披微風生意何翩翩圃
師為剪摘聊復憑欄看翠痕應手折香霏齒頰寒米米

已盈筐適可供盤餐仍復留新穎用以待滋蕃鄙事足
會心高吟興未闌

採蓮曲

薰風拂池塘明霞映洲渚盪漾木蘭船採蓮不知暑蓮
花如錦葉如蓋芳香自送搖清籟疑有天孫為弄梭不
然洛浦飄衣帶採蓮採蓮夏復秋青青葦岸忽白頭徘
徊不覺露華濕獨喜紅芳載滿舟

御製詩初集卷五

欽定四庫全書薈要卷一萬三千二百七十九

集部

御製詩初集卷六

古今體一百十五首

辛酉二

皇考御書摹成頒賜羣臣

代邸揮毫日晴軒飛白時騰驤龍鳳勢灑落玉珠姿
力運千鈞重神開萬象怡

幾餘懲物玩

宸藻麗天垂拜

賜恩如昨趨

庭念在茲貞珉傳萬禩捧視淚交頤

望西山

迤邐西峯翠靄侵紗幬閒凭散幽襟無心最喜雲生岫
得句多因座對岑黛色烟光相罨畫卧遊靜賞當登臨
晚來蘭若僧方定遙想疎鐘度遠林

讀杜子美集

太羹有至味黃鍾具元音之子誠忠愛遺編足探尋憂

懷匡社稷逸志託山林諷讀消長夏悠然獲我心

夜雨寄興

綠窗昨晚冰輪上睡餘漸覺桃笙爽一夜風吹夢裏聲
零零浙浙芭蕉響

松花石屏歌

卞璞蘭璧紛縱橫錦囊寶匱緘瑤瑛坐令玩物喪厥志
楚賈吳商空復情松花之源產石子

松花江自長白山而流

由來

玉氣常鍾美含奇韞靈正此時疑有烟雲繞江水製為

石屏勝荆玉非誇雕琢誇淳樸慎勿蔽彼賢慎勿遮吾目但令長陪几席間直者見直曲者曲

雨後園林即景

宿雨初收天似洗閒庭獨坐夏如秋一聲蟬噪林中度
兩箇鷗眠水上浮地學蓬瀛塵自遠身依泉石興偏幽
更憐綠野芄芃象稍解祈年午夜憂

梔子花

暑雨初晴處薰風細度時麝蘭輸馥郁冰玉想丰姿影

向疎間好香因靜裏知依稀
襟破蕾壓雪一枝枝

勤政殿

闔闔風和繞翠微
紫軒花氣暖晴暉
波含素影澄心鏡
魚躍清淵識道機
懷儉每思文罷館
阜財常仰舜彈徽
幾餘擬駕遊春輦
恐惜分陰心事違

月夜泛舟

晚涼微雨過
載月泛蘭舸
柳度朦朧影
牕搖潏灩波
光因秋近皎
詩向望中多
風送清香細
依稀數點荷

階前羣英粲然已作秋色感而有作時六月十六

日也

朱明皓魄已三圓消息秋來孰與傳恰有羣芳紛檻外
漸看涼意到階前因風徙色疎偏妙浥露含芬靜轉妍
彈指漫驚駒過隙惜陰還檢舊時編

蓼花

臨水參差影搖風綽約散霞光不爭爛秋信與添紅疎
景供幽覽分陰類轉蓬文鱗澆瀟處掩映鏡波中

夏日遣興

北牕初啓處，徙倚趁微涼。
花木暢生意，山川媚素光。
堂深愛暑遠，人靜覺天長。
插架三千卷，因風散古香。

夜夜曲

明月照我室，清風拂我牀。
我思在何所，伊人水一方。
清風拂我牀，明月照我室。
宵尋長夜歡，支枕誦無逸。
無逸支枕誦，展轉念民依。
孰飢予，缺食孰寒予，鮮衣
飢寒切中人，何事不可有。
頽風日以滋，吁嗟誰之咎。

秋意

轉眼寒光散月華
侵尋涼意透牕紗
閒庭氣爽秋無價
曲岸風搖荻有花
蛩響依稀啼舊怨
水痕澹澹露新沙
流陰遮莫驚如駛
綺句親裁趣轉賒

六月二十六日立秋

秋信夜來傳秋光
故可憐蟬聲稀柳
外日影到牕前宿
暑風催遠寒芳露
浥鮮朝來憑賞處
不覺歎流年

立秋夜聞蛩

六月二十六日夜解衣支枕方就眠
倏訝金風西北來
紗幮水簟相新鮮
展轉欲眠眠不得
更聽初蛩聲唧唧
吁嗟秋信太分明
舉首高空銀漢白
露下閒階浥亂英
寒吟斷續紛空庭
何處刀環唱戍士
誰家砧杵鳴村垌
秋思逗漏誠無那
桃笙翻雪披衣坐
何必春駒學夢莊
愛渠亦復周旋我

初秋曲

金風拂水玻璃開
一天爽氣隨秋來
荷洲褪紅香寂寞

蘆岸添白花徘徊雲烟盡斂
高空迴翠微遙接新秋影
蘭若鐘聲晚益清虛堂吟罷
人方靜月色霞光漾御湖
平波點點翔歸鳬星斗隨舟
手可摘園林入興詩堪圖
此景除却蓬瀛無

賦得秋日懸清光

日近秋逾皎天因爽更空不教遮薄霧訝許蕩清風影
透延涼牖光疎落葉桐遲遲添玉漏皜皜麗璇穹溽暑
全消濕殘芳尚結叢勅幾常惕若珍重寸陰中

題卧遊書室

船也

太液微風漾輕舟任所之可知娛目地總是讀書時比
德觀荷芰忘機狎鷺鷺卧遊看未足烟景座中移

御園新秋

無邊素景澄虛宇一派清光媚遠川梧影蕭疎風過處
漸看涼意到階前

柳外蟬聲晚益喧似爭餘暑向秋園明霞剛抹西峯頂
乍喜新蟾照滿軒

平湖紅綴數枝荷
弄棹清流偶一過
賸有餘芳風信度
半敲殘蓋露珠多

數畦綠水稻風香
却喜西成居白藏
半載雨暘經較量
宵教遊豫暫時忘

迎涼臺榭即仙壺
隔樹流鶯三兩呼
秋蚤風光似春暮
祇饒仙掌露華濡

敲枕蛩聲入耳頻
水帷翠簟淨無塵
此夕榆關明月下
刀環悲唱定誰人

晚荷曲

金風披拂太液池池中芰荷疑先知殘芳亞波紛錯落
餘香猶逐雙鳬飛雙鳬飛下平湖淨翱翔似戀明粧靚
翠蓋饒擎露顆多紅葩却讓霞光暎我來池上弄秋水
南華妙意差堪擬何必對景惜韶光山華陸葉俱如此

新月詞

蕭梧疎柳枝差參一鈎恰露初秋蟾榆天流彩冷天色
照我高軒之素檐階蛩唧唧吟寒夕露下金盤色浮白

的皦清光映綺牕依微涼氣侵瑤席年來贏得秋思深
桂輪獨對凭闌吟何必拈花悟指月昔非昔月今猶今
初秋玉泉山

山翠引鳴鑪波紋蕩畫橈秋清望愈遠歲稔樂偏饒雲
斂天光迴林疎峯勢遙倉箱看在即稍可慰衣宵
夾岸殘蟬沸輕舟數里過黃新亞畦稻紅老貼波荷花
木芳心歇乾坤秋意多拈毫抒逸興莫漫惜蹉跎

聽唐侃彈琴

蕭森梧竹含秋清銀猊吐篆縈風輕虛堂萬籟俱闐寂
唐侃琴搯鏘鏘鳴一彈再撫餘音杳松風水月襟懷渺
孤鶴橫空唳一聲絲絲弱竹喧羣鳥

蓼花紅

蓼花紅蘆花白緋桃雪梨無顏色草木芳榮各有時韶
華一去不復追君不見大禹惜陰爭一寸吁嗟老大將
何為

秋牕夜雨

秋牕一夜雨纖纖點滴階梧伴黑甜明曉輕衫纔試處
料來涼意幾多添

秋日御園即景

臺館含秋爽衣衫切曉涼亂荷紅帶紫疎柳綠蕙黃砌
草藏蛩語池波印鴈行憑欄無限喜千頃稻風香

清河道中

始發清河道將為塞上行看山青覺近問路景如迎風
爽催征轡雲光獵綵旌所思明舊制豈為騁遊情

途次見西成有象喜而有作

暑雨祁寒苦怨咨
金風玉露屆秋時
寂欣比櫛村村象
恰向征途歷歷知
場圃却聽轡亂響
原田還看稊多遺
歲豐更切乾乾意
肯為從禽志少移

淋溝行宮夜雨寄懷

方欣細雨滋秋麥
却慮長途跋涉艱
支枕清吟消冷夜
可知憂樂每循環

晴

雲氣依山斂風聲傍柳生一川秋日朗萬里太虛晴策
馬涼迎袖鳴鑾爽拂旌尤欣白露近麥壠看重耕

即事

祖德由來日月垂纘承常切大艱遺白頭父老相逢話
能說

先朝輦過時

憶昔

憶昔髫年此地過於今壯大事如何探源未見門墻與

撫序猶驚日月蹉

黃花路

午過黃花路桃源別有津
秋山蔽野塢村犬吠行人撫
字期良吏驅馳戒武臣
厓懷在閭里三代此遺民

懷柔縣

山圍古郡富耕桑此地前朝是戰場
四海懷柔原在德
由來禮義固金湯

三秋時序萬寶告成命駕出口巡狩遵

祖制也經過州縣百姓扶老攜幼歡呼夾路問閭之間
戶有蓋藏場多稂穗深愜朕志爰下詔蠲免田
租以示嘉惠元元之意

武備由來重時巡意更深當秋排法駕預日足甘霖旭
耀旌旗影風傳鼓角音停鑾問農事獻曝見民心戶有
倉箱積人多樂豫吟輿情猶似昔
祖德到於今解澤心無吝紹

庭志倍欽茲行當黽勉詎止為從禽

密雲道中望長城

秦時闐堞漢時山總為天驕守禦艱此日長城為苑囿
三秋巡狩數經還

野老

野老扶兒望六驄羽林呼警莫忽忽欲知暑雨祁寒意
已在先憂後樂中

露

曉起催征轡秋原玉露灑凝珠看更白著草漸添黃濕

咽啼蛭冷濃霏晚蕙芳馬蹄輕踏處想像即為霜

九松山

陽崖陰巘相吐吞上有千年祇樹園九松盤盤踞其頂
下臨衆木如兒孫我聞五株已成石盤山樓松餘畫蹟
此木疑被女夷鑄不然駐鶴神仙宅凌空蒼翠勢未已
停鑾幾度徘徊視庾梅渭竹空傳名閱歷滄桑惟有此
要亭行宮晚坐

一川景物鬪斜陽極目拈題興渺茫平野風寒吹稻黍

遠山日暮下牛羊
笳聲幾處梅花落
月色誰家秋思長
更剪銀燭披奏牘
憂勤那得暫時忘

夜雨

乍聞雷陣殷高天
頃刻秋霖到枕邊
點滴寒更不成寐
沾塗士卒更堪憐

南天門觀音寺遙望

古刹禮大士虛堂
息勞身旋起憑欄
望舊徑還如新谷
轉見行騎山高截
片雲是時秋始孟
綠樹猶繁紛兩山

闢仙境一路無纖塵裊裊旌旆影隱現出嶙峋逸興一
以暢轉益憂懷頻念彼隨從者跋涉良苦辛

古北口閱提標兵士

鳴騶出天府停轡駐雄關雁避彎弓士熊羅執戟班堂
堂陣方勁赴赴技皆嫻詎弛忘危念猶思守德艱

常山峪行宮

憶昔髫齡際趨陪

聖祖前于今巡幸至駐蹕故宮邊湛露曾叨

澤含飴想侍

筵秋風悲此日軒屋尚當年鳥語如懷舊花香故逞妍
恩勤終古慕承顯一身肩

再疊前韻

經國猷垂後承家志繼前三秋修武備萬乘閱嚴邊勝
地停鑾御離宮啓玉筵欣逢無事日喜覩有秋年插笏
峯爭秀披圖景鬪妍永懷

無競烈景仰懼難肩

曉行

滴窮玉漏夜闌干
習習金風拂曉鞍
野馬出山涼氣肅
陽烏隱樹曙光寒
孤村犬吠門猶掩
古驛人行露未乾
一幅河陽秋旅意
不須重展畫圖看

山田

禾黍芄芄遍嶺巔
停鞭欣看有秋年
版圖可識同遐邇
塞外荒山盡闢田

高原宜黍稻宜低
物土耕桑塞外齊
茶幔酒旗山抱塢

軟沙濕草水鳴溪

舊代常愁烽火驚於今此地有人耕混同中外皆天澤
倍切乾乾保泰情

耆民趙可立一百二歲矣扶兒迎謁道左尚能道
前朝事

龐眉皓髮扶鳩杖道左攜兒望翠華為說平生無外慕
村居勤樸課桑麻

喀喇河屯行宮

離宮別館接岩阿，颯爽金風此一過。
勝地開軒山迤邐，經年成蔭樹婆娑。
秋濃槲葉添丹綺，雲斂峯尖矗黛螺。
猶憶當時承

渥澤，幾迴清咏愴神多。

窮覽寺

招提鈴鐸午風吹，罨畫山川入望奇。
徙倚試思廿年事，苔封碑字紀康熙。

灤河捕魚

野灘片片起鴛鴦
盪槳中流樂意多
髣髴江鄉三月景
西風紅葉小灤河

灤河水自上都流
順水行如風送舟
寂是關仝得意筆
蒼山野渡正初秋

灤陽別墅

槐柳成陰別墅開
軒庭人靜鎖莓苔
虛牕饒織蠨蛸網
略約猶支艷潁堆
山卉無名偏有艷
野流東去復西迴
兩峯雲斂高空迴
彌望川原絕點埃

小金山

石磴臨無地松亭面有山坐來階礎潤知是白雲還
露華泣煙蘿攀陟窮深杳平臨樹杪風下瞰孤飛鳥
探奇如食蔗裁句擬遊仙振袂一聲嘯秋風滿碧天
山木不知名山雲忽作晴濃丹並新翠紛錯一川明
四圍俯碧瀾一逕通雲棧猶聞琴筑聲泠泠滴深澗
翠微晴色好矗矗濯烟鬟何必渡揚子即此小金山

山行

萬壑千巖宿霧封朝暎光射見重重霜前楓色丹猶嫩
霽後山容翠更濃烟塢雲程頻借問農夫野叟每相逢
愛聽塞上傳聞語一百年來不舉烽

野渡

秋水添新漲晨光冪野烟漂波沙失岸策渡馬為船孤
汭歸鴻集寒流絕塞連蒼茫迷近遠源在白雲邊

涼

山行涼氣逼烟徑露華濡村爨寒難起峯嵐曉欲鋪丹

黃楓葉染嘹唳雁聲呼松雪傳真蹟邊關逆旅圖

至博羅河屯四十八旗諸蒙古王等來接

天恩歌有歲

祖澤賴無窮巡狩三秋日超承萬里風歡聲毳帳合佳
氣慢城通來享同遐邇咸賓混外中誠輸陳厥篚燕賜
詠敷弓永念覃敷慶懷柔倍惕衷

秉燭待章奏未至

不為巡遊懈勅幾離宮獨坐塵民依銀檠猶待封章至

鳥路應遲驛騎飛
風裊爐香移夜漏
月明帟帳正宵衣
今秋稍解祈年慮
遍野黃雲擁六駝

新月

山靜秋深新月小
楸梧風動驚栖鳥
羣牧馬聽人呼唧
唧蛩音泣寒草猶憶
去年太液池金波搖
漾光琉璃飛觴沸
管詎不樂風餐露宿
將何為將何為清歌
一曲有所思
過蒙古諸部

岩華峰葉雜丹黃
塞上那知道路長
霜滿寒林山柿冷

煙生毳帳酪酥香伊歌度曲聞駝背羽箭翻弓射雁行
諸部賢王顙首望隨行爭羨羽林郎

風來谷口捲雲晴沙漠霜華射眼明冷逼叢林鹿聲壯
寒侵淺草馬蹄輕圍成馳射皆驍騎宴罷歡呼達網城
服食舊稱方物貢酪漿乳餅總輸誠

塞上曉行

馬踏霜華怯曉寒聲聲傳警列材官潺湲溪水行行渡
罨畫山峰面面看壯士試開弓五石高人猶卧日三竿

昇平閱武魚巡狩觸目吟懷興未闌

觀漁

伊松河水秋日澄伊松河岸秋風清岸側停鞭聊復憩
但見波光日影爭晶明漁人弄網中流迎駕鶩雁鴨驚
飛鳴我聞任公獨垂釣不釣鯢鯨釣長鯨湯網祝禽未
祝魚渭濱無乃存空名不如乘興觀漁樂興盡輒逝無
留停涼颼獵獵催歸轡鳶魚飛躍隨其情

秋夜聞雁

龍堆月白雁聲寒
羶屋清宵玉漏殘
憶昨題詩坐松榭
深秋見爾落沙灘
早乘霜露傳邊信
夜渡星河避彈丸
此日賢王爭扈從
不須書寄漢廷看

關山月

關山月秋倍明
塞楓磧草涼
颼生皎皎懸空漠
海白沙
蛩霜雁寒聲并
關山月今異昔
烽烟久靖田疇闢
不似
當年戍卒憶家鄉
亦或戰場覆沒孤
魂魄
關山月昔異
今
即
今
秋
蒐
乘
興
惟
閒
吟
前
車
堪
作
後
車
鑒
持
盈
保
泰

惕予心

霧

密鎖千林樹迷離暗曉光乍看平野白却失遠山蒼捲
速全消日收遲為護霜

塞上霧多則霜降遲

停鞭遙望處添得幾

峰黃

獵

秋蒐文囿是王庭

祖澤貽今赫濯靈桓赴健兒身掠鷄驃姚車騎箭流星

龍堆露冷鳴蒼鹿沙塞風高語白翎
大兒小貳親射得駝峰高架進

慈寧

馬上吟

白雲紅樹鬪清秋盤鬱層巒紫翠浮
霧捲馬頭山忽見橋臨谷口水微流
停鞭愛看邊鴻度隔峪時聞野鹿呦
笑我耽詩猶喜獵每逢佳景興偏留

紅葉

萬幅屏開積翠嵐，霜林點綴正紅酣。
喻言未覺朱翰紫，比色何妨青出藍。
訝許陶鎔稱杜牧，那曾名狀紀嵇含。
傳神除是關仝筆，極目渾忘駐六驂。

秋日奉

皇太后口外行圍

列塞騰千騎，三秋駕六飛。
校蒐遵

祖制，問寢奉

慈闈。纚纚田車好，祁祁原獸肥。
金風如有意，爽氣襲征

衣

代是熙和候秋當獮狩時風雲森羽衛物象擁旌旗皎
日曛曛照涼颼左右吹近光多父老前導莫驅馳

秋原零白露羣鹿應時鳴駭野車徒勝彌川草木祇
期軍律整無取大庖盈誰獻長楊賦臨風憶客卿

暮色滿平川行宮景物妍砌蛩喧此夕梧月照當年
皇祖曾停蹕孫臣獲侍筵幾多承雨露追想倍悽然
行漏催寒夜銀檠帟帳懸霜笳鳴塞上星斗掛天邊牧

馬聞呼聚飛鴻列陣旋禽荒曾有戒無逸誦終篇
當秋鷹羽疾度塞馬蹄輕目極山川秀詩含草木清天
高雲帶影風勁壑傳聲更值西成好沿途喜氣迎

閱馬

上都

即元上都地

鹽海

答不遜腦兒即漢言鹽海也

地寬平芻牧年年龍

種生此日材官羣
扈蹕當秋田馬並銜聲
雲岡萬隊鋪霞錦
露草千蹄踏玉英
侍從藩王咸眩目
空懷少傅作歌情

中秋夜對月

崖巔升玉魄
流彩座中移
明是今宵甚
看尤邊塞
宜桂香
初想處
笳韻未終時
猶憶幃城外
秋思動者誰

塞上秋

塞遠朝逾冷
霜濃曉倍晴
千山紛葉落
萬籟怒秋聲
雲淨天容濶
秋澄眼界明
御風懷列子
襟袖颯然清

夜靜讀書

日暮促歸鞍
龍堆夜氣寒
銀燭輝幔屋
玉魄上檐竿

嶺也

把卷光明映忘言子細看邊笳忽吹動幾處落梅殘
將軍塔爾岱久著勤勞養年私第今聞朕出口行
圍不辭勞瘁而來詩以賜之

百戰歸來矍鑠身凌烟姓氏竟誰倫養閒合適林中趣
憐爾仍隨輦後塵赫奕帟符叨寵舊輝煌竹簡紀功新
為詢閱歷疆場事幾度聞之厪念頻

塞上行

綠含眉黛遠山斜點綴楓林襯彩霞莫遣寒笳吹玉塞

更裁新句詠龍沙

野田磧土有人耕
蕎麥收時秋麥生
謾道貳師能闢地
當年空築受降城

塞上中秋月似霜
牧羣歌起疊伊涼
歸駝都載新蒐鹿
絕少征人夜望鄉

荒山時見有城闌
舊話翻驚入聽新
自是太平無戰伐
莫教歡樂忘艱辛

秋山

秋山雨霽別穠纖觸目詩題逐便拈落葉風前自瀟灑
野蔬霜後更清甜磧程遼濶行行遠樹色丹黃日日添
射獵歸來迴望處紅霞猶遶數峯尖

聞畿輔雨澤霑足喜而有作

六飛迤邐閱西成已慰祈年午夜情封奏更聞霑渥澤
郊原秋麥想新耕

古木

古木厯歲月孫枝歇芳鮮何年劫火餘橫卧山之巔生

意既寂滅枯榦猶曲卷其長勁矢過其圍合抱圓不為
樑棟材乃以全其天徙倚興吟懷妙理然乎然

賜蒙古諸王公等宴

屏藩伊古重遐邇迄今同巡狩邊關外趨陪禮法中恩
胥叨列土親不異分祠三爵應須遍周行實可崇詩猶
歌湛露騷豈擅雄風永念協和治乾乾倍省躬

迴鑾

盤遊有度慎三驅翠嶺蒼崖輦路紆指日榆關迴蹕處

重看秋壠綠添蘇

落葉

西風吹萬如鳴管
剪緋纈綃千林滿
霜晨丹紫正蕭蕭
夕陽鴉鵲何纂纂
却憶三春綠蔭濃
一朝萎謝無留蹤
徘徊不為歎
搖落愛看蒼翠秋山容

塞外落葉松歌

我聞松柏有本性
經春不榮冬不凋
此木亦被松之名
當秋葉落何刁刁
凌空足有偃蓋枝
詎無盤屈傲霜條

或云塞外節候殊干林墮穽秋寂寥嚴寒栗烈異徂徠
故應落葉紛蕭蕭我聞此語增歎息古來志士不易搯
因地寒暖變節槩蒼松何以殊蓬蒿此木非松冒松名
千秋定論應難逃

塞上秋景

盧龍風日寒况復臨素節芸黃帶露稀峰翠經霜潔宇
空雲影淡流冷泉聲咽夙志慕高清對此聊怡悅

霧行

霧行那識山程遠
鳥道羊腸望轉紆
却似阮劉迷洞口
不知咫尺是方壺

晴

雲開山露翠
霜重樹添黃
北望塞千里
南飛雁一行
馬蹄歸路疾
詩思客途長
去去龍堆遠
微吟興渺茫

馬上口號

蕎麥收時秋麥青
駸駸羽騎別龍坳
一川郊墅靜朝旭
四面峯巒展畫屏


於章古台作

畋餘迴六轡行行厯村落
日懸秋空虛籟吟幽壑
萬畝綠含菲千林黃隕穉
田饒稊穗遺戶有倉箱樂覽茲
一開顏幾多民命托

雨

油雲迷遠岫急雨落平川
飛迴如噴玉懸岩似響泉
待晴開幔屋撫景擘花牋
返照呈新霽山原轉淨妍

御製詩初集卷六



總校官庶吉士臣侍朝

校對官庶吉士臣陳文樞

謄錄監生臣魏綿曾

欽定四庫全書薈要

集部

御製詩初集卷

七八

詳校官原任編修臣徐立綱



欽定四庫全書薈要卷一萬三千二百八十

集部

御製詩初集卷七

古今體一百十九首

辛酉三

九月初一日迴鑾至博羅河屯見菊花盛開

幾種金英傍砌隈臨風恰迓翠華迴寒香盈把陪青案

素萼搖姿點綠苔最愛三秋經雨洗

是日雨

定知重九冒

霜開何曾王勃工詩句朶朶都擎送客杯

避暑山莊行宮懷舊

離宮對碧岑
峭石聳成林
壁有曾題字
庭餘獨樹陰
簾帷秋日靜
爨鼎篆烟沉
況是承

恩地能無憶舊心

幻塵同夢鹿
佳境似遊仙
帆影留雲在
江聲共月懸

雲帆

月舫月色江聲皆宮內別院名也
綠牕蛛織網
粉壁鳥啣鈿
回首驚心

處流陰忽廿年

九月初三日熱河見荷花

霞衣猶耐九秋寒
翠蓋敲風綠未殘
應是香紅久寂寞

故留冷豔待人看

前朝見菊黃兼綠今日看荷紫帶紅夏卉秋葩渾不辨
一齊搖曳晚風中

獅子園即事

避暑山莊之北有獅子嶺嶺下建園因以獅子名
皇考藩邸時扈

駕來此所居之

賜園也乾隆六年秋八月因塞外行圍迴道至此曷勝

趨

庭之感即事書懷爰成長律

憶昔趨

庭日重經避暑園壁題餘

手澤孺慕想

親恩閱歲階梧古丁年書室存塵生煮茗具茵茁玩花
軒巡狩今方始梧椿此重捫無從

窺領賦莫可展冬溫永念

劬勞至空驚日月奔徘徊瞻碧落神愴向誰言

妙高堂

虛堂構峰巔鼓棧羊腸繞平臨出岫雲俯視歸林鳥百
里如目前溪壑殊了了庭饒白鹿遊塵借清風掃我來
已深秋萬木丹黃老身依泉石間興寄煙霞表

法林寺戲題

書齋禪室杳然清午靜時聞鐘磬聲此日經過重想像
當年佔俾一儒生

荷花謝疊前韻

數日餘芳傲晚寒
經霜今曉乍凋殘
元都觀裏春風面
只許劉郎一度看

離披殘蓋全消綠
寥寂寒葩不剩紅
水月鏡花觀幻色
清歌一曲御湖中

恭和

皇祖聖祖仁皇帝御製避暑山莊三十六景詩

乾隆六年秋命駕出口北巡歲事言旋道經避暑

山莊撫今追昔情不能已向於雍正戊申曾敬跋
圖記用述

聖恩高厚今身歷其地彌切

音容如昨之感爰恭和

御製避暑山莊三十六景詩原韻以誌孫臣思慕之忱
與歲並增耳

烟波致爽

時和逢歲稔烽靜絕邊譁蒐狩三秋舉登臨萬壑嘉楓

黃接雁塞霜白點龍沙迴蹕遊仙地空庭遍野花幾多
今昔感無那歲年賒露砌飄殘葉秋籬綴晚瓜蛩音驚
短夢宵韻起寒砧

祖制今猶烈金吾漫憶家

芝逕雲隄

六飛迴轡指金闕離宮故館茲停歇蕭齋乍啓舊牕櫺
蘭若重尋古碑碣銀鈎鐵畫覩

璇題趙肥董弱無筋骨寂寥帷幔掛珊瑚敲斜几席巢

蛇蠍因思廿載修，流陰電光石火無踰疾。苔封石鼎杳
無煙，惟有金飈蕩寒樾。旋步雲隈憶夙遊，倚吟轉覺逸
興發。丹黃四面展畫屏，一幅闌仝色乍設。寒林窮處忽
成峰，彷彿如登泰麓東。山葩野卉難爭豔，五株疑是秦
時松。郊原秋景尤堪望，比櫛崇墉萬戶同。祈年詎異當
年志，長願田疇歌屢豐。大德曰生恩，惠洽道之猶足泣。
羣工金湯禮義足，防隄懸橦度索聲。教齊利我後人猶
賴。

澤敷天雨露蘇黔黎久安蒙業詎宜恃千秋金鑑垂圖
史紹武常懷乾惕哀敢云王化寧遐邇日暮歸來獨倚
樓撫今追昔增淒愁歡娛但覺春風暖宵旰誰知午夜
憂裁詩聊當銘座右願言治理虛心求繼繩

祖武懼不逮惟應此志萬千秋

無暑清涼

一縷遙循隄徑長松軒月榭暫徊徨苔紋千點萬點綠
菊蕊三枝五枝芳自是洞天無處覓祇餘元圃可相方

根塵久悟風旂旨題句還如蝶夢莊

延薰山館

偶撫虞琴山館靜祝融未覺署頭銜萬方樂利
心胷內解慍何須更脫衫

水芳巖秀

巖秀據艮靈水芳擅坤厚即此溪壑佳何必稱牛首緬
懷智者樂願效仁者壽茲地可會心亭軒建已久澄流
遶其前疏峯羅厥後仙壺常奧秘無乃神人剖

璇題猶在簷

奎文麗星斗顏柳步後塵張王謝敏手

明訓垂日月所惡在旨酒紹

庭志雖殷繼武吾何有

萬壑松風

猶是當時傲雪青重開軒閣俯溪汀廿年未識門墻奧
長憶文筵獨

授經

萬壑松風予當年扈
蹕之賜居云

松鶴清越

白鶴志猶潔蒼松獨後凋景仰

終身慕詎止溫清調

松鶴清越當時奉
皇太后居於此

雲山勝地

黃雲近壠復遐阡想像豐年入頌箋二十年來衣食足

黔黎猶戴

聖恩宣

四面雲山

攀躋步崇嶺摩詰畫中詩岑壑依然在川原望裏奇重
來猶切切欲去更遲遲孤鶴唳層巘孫梧擢老枝苔紋
迷近砌鹿跡印斜歧座靜來青黛牕虛浸曲池懷

恩常撫蹟憶昔更含悲當日

乾乾意身肩始得知

北枕雙峰

欲排雲霧叩仙關咫尺羅天即此山却喜清明聊縱目
灤河如帶一灣灣

西嶺晨霞

翔陽騰曉海門東，似颭紅旗錦颺風。
何必暮山誇返照，試看西嶺畫屏中。

鍾峯落照

獵罷途經羽蓋留，鍾峯落日正深秋。
白雲紅樹參差處，疑有寒山結字幽。

南山積雪

芙蓉十二列峯容，竅喜寒英綴古松。
此景祇宜詩想像，

留觀直待到深冬

梨花伴月

誰道邊關外春時亦有花
寒香雪添豔淡影月增嘉
雅稱峰頭雨何須谷口霞
塗山千萬樹踪跡漫相誇

曲水荷香

當年

睿志尚高
清非慕濂
溪癖愛名
重憶瓊筵
陪

色笑金匙
常飽手調
羹

風泉清聽

物物都歸大造心
風泉亦解奏清吟
熙和六十一年化
編簡猶垂

雅頌音

濠濮間想

曾聞古衲子問師
覓心安我是無心客
轉覺會心難

天宇咸暢

調萬斯年曲

琪樹塤田封陟居
元君駐駕玩清虛
旋促鶴御返瑤池

別離初神仙侶曾訴幽情立烟嶼

暖溜暄波

靈泉清泚滌煩疴功德由來利物多況是御園分惠澤
祇今猶頌澗瀍歌

泉源石壁

泉源丹嶠側石壁玉河隈汀雁人為字巖屏衣是苔雲
心原不繫水鏡豈湏才緬想無為治巍巍造化該

青楓綠嶼

遊豫諸侯度非關玩物華山莊幽事足林塢鳥聲譁列
嶼仍含黛經霜想作霞羣生被

苞育微木揔清嘉

鶯囀喬木

再歷仙居遊似夢重瞻

睿作筆如杠靈臺却在榆關外博望無勞更出驄

香遠益清

調柳
梢青

俯美清漪平臨錦繡淨植含竒華嶽峰頭西施湖畔幽

豔誰知秋來老幹差差芳菲歇造物無私詩擬丰標圖
摹體態多少便宜

金蓮映日

輝煌麗曉日璀璨映重臺布地黃金滿祇園此處開

遠近泉聲

飛流疑掛玉濺沫似噴珠舊識題崖字於今半有無

雲帆月舫

調太平時

鎮倚朱欄看翠濤壓金鰲層樓十二薄璇霄好抽毫與

物皆春民共樂舞韶簫宇宙泰和一人德地天久

芳渚臨流

池如明鏡草如茵
澆澗時看泳錦鱗
自是天心樂育物
花香鳥語揔怡神

雲容水態

水態溪邊尚爾雲
容天際猶存夢裏春
音世遠身沐恩波我原

澄泉遶石

不必棟稱玉偏誇
茨是茅石泉迴綠
野草木遍青郊溪
漲魚添子春深燕
補巢琅玕刻畫處
猶有兩三梢

澄波疊翠

月上池開鑑風來
水弄文千秋垂

睿藻烟翠共氛氲

石磯觀魚

重把青竿坐釣磯
閒看溪鳥掠波飛
漁歌漫憶吳江水
絕勝鱸魚秋後肥

鏡水雲岑

古樹迷離翠嶂秋波澄澈寒潭畫舫渡人溪北
虛牕留客軒南楓葉槲葉紛錯松枝竹枝差參

宸章千載猶爛妙理萬象都函

雙湖夾鏡

卧波新綠帶痕齊那數餘杭蘇氏隄把筆試吟廿年事
秋風黃葉不堪題

長虹飲練

武夷帳幄列雲崖為有虹橋可作階此日遊仙重容與
溪聲猶奏綠琴諧

莆田叢樾

緬想雍熙治

深恩被閭閻太平無氣象只向萬民占

水流雲在

秋水與天澄行雲倒浦凝撫今還憶昔乾惕寸衷增

九月九日為大學士張廷玉七旬壽日時朕出口

未迴詩以賜之

歷掌絲綸佐斗樞心依行在想晨趨

時大學士承朕命在朝總理諸務

宸欣佳節當初度要識元衡半老儒
潞國晚年尤矍鑠
呂端大事不糊塗
緘詩並寄黃花酒
看取灤灤湛露濡

重陽日喀喇河屯行宮侍

皇太后登逍遙樓

禕鞠雲凝瑞靄光離宮侍

輦值重陽檻臨平楚嵐煙淡牕入遙峯樹
色蒼遠墅幾

家荒柴閉小橋獨木野流長
寂欣度節邊關外也有黃
花獻

壽觴

野菊

野菊小於鈴依依倚砌庭
知時舒晚豔為客發幽馨
洗濯曾經雨參差似列星
詩情兼畫意緣此暫留停

曉行

薄霧遙封迷客路樹紅雲
白暮秋時鳴鞭未覺行來
遠

兩岸蒼山叫畫眉

古寺

蘭若依然水石幽層層屏嶂俯清流苔封古塔全身現
塵閉禪房半偈留鳥去山林餘暮靄客來時節正深秋
如如色相如如在重費闍黎苦募脩

曉日

曉日光寒白露淒馬蹄藉草不沾泥炊烟細裊村帘外
殘月猶懸嶺樹西塞上山川皆畫意途中風景盡詩題

楓林沙坂經行處不數蘇公十里堤

雨

山雨曉廉纖詩情觸目拈憑將遙黛洗微覺峭寒添
瀝漬由歸轡溟濛下細簾白雲纔散處露出數峰尖

冷

地近邊關煖霜催節候寒却饒秋草綠間有早楓丹
雁字依南寫龍堆直北看平蹊堪策騎十里軟沙乾

入古北口

羽蓋駸駸度玉關
三秋巡狩薄言還
愛看綠麥鋪平甸
漫憶黃羊遍塞山

即事

嵐氣依山素練橫
朝暎忽射一川明
人衝曉霧逶迤去
馬踏寒郊篤速行
村落幾家茆舍靜
野流數處板橋平
錦江詩句河陽筆
風景重看生面呈

題攬勝軒

迴鑾經梵宇
駐蓋憩閒庭
鳥語留人坐
猊烟傷客馨
徑

幽仍隱綠牕啓乍來青莫漫尋陳跡空花悟色形

迴鑾作

榆柳青青驛路寬新黃舊綠解迎鑾却思塞上風霜景
似展闕全畫裏省

石槽行宮對月

殘靄全收晚景妍疎楊影裏漏嬋娟詩因望夕清添興
光到深秋皎徹天別院初迴飛蓋駐行營兩見皓輪圓
何殊上苑憑吟處桂子風微夜未眠

鷹

鷲鳥鳥中傑羽翰利且便其在山林中食肉而飲泉飛
止任厥性擊搏無留難一朝落羈鞅人乃司柄權養翎
湏以時食飲母或愆精銳乃奮厲矯翼雲霄盤如鵬飛
北溟萬里扶搖寬鷹師苟非良飼養失其天飢乏片肉
餐困憊臂右肩搯縱復失術弱翅凌風旋小雀不能獲
何況雉兔焉謂之無良鷹是語豈其然

湯泉行宮即事

靈境闢離宮，停鑾秋宇空。
庭軒靜朝旭，樹石老金風。
暖溜溶溶，潔清波處處。
同心神堪澡，雪撫景興無窮。

出塞雜詠用上平聲韻

雕輿繡羽旆，金風曉發都城旭。
影紅十部簫韶翻似海，
三千車騎氣如虹。

邊關峯色翠芙蓉，萬古隄防笑祖龍。
守德由來勝守險，
金湯禮義是提封。

靜夜離宮月在牕，獨裁章奏爇金釭。
雁鳴遠浦傳霜信，

人過孤村引吠厖

塞上峯巒萬景奇
笳聲傍晚譜涼伊
玉臺疊進琉璃酒
檀屋周懸虎豹皮

極北山高近紫微
片雲常作雪霏霏
黃羊白鹿鋪平野
好試今秋第一圍

龍沙八月似冬初
獻賦長楊滿屬車
最愛楓林新似染
折來題句手親書

警蹕何勞健騎趨
會同中外豈伊殊
玉庭圍合春風滿

幔屋筵開湛露濡

漫道陳倉獲碧雞
天狼一色萬頭齊
蒲萄釀酒燕支色
不數江南數北鞮

鐵騎番兒雁字排
霜鋒掌樣淨磨揩
新豐空有如澠酒
辜負當年白鼻騮

日射高峯紫霧開
駢驂羽騎蔽山來
鸞旗影颺雲林外
清蹕聲聲北狩迴

平明雨洗屬車塵
蹕蹕蹕驂騮稱意馴
濯濯烟鬟看黛重

萋萋麥壠愛青新

塞上山高截片雲
常看晴雨半峰分
三千色目熊羆士
十二天閑驥駉羣

青兕黃牛滿澤原
欣看天餉助歸轅
戍兒夜半吹羌笛
此日春風度玉門

當年勝事紀呼韓
從獵爭如各部攢
羊酪馬酏都獻賁
旋收歸轡別興安

時巡詎止閱邊關
喜見年豐一解顏
搖颺翠華佳氣滿

都中爭道六龍還

菊

苑樹蕭疎籬落斜芳留庭砌足黃花曉霑細雨香猶潤
時過重陽色倍嘉不染纖塵紛露葉獨餘晚豔傲霜華
今年佳節途中賞欲補新詩興轉賒

雨

連朝秋雨細閒眺倚朱欄濯蕊菊添潤梳翎鶴畏寒鷗
波猶汎濫楓葉已闌干遙想西郊麥青針珠顆攢

題瀛臺隨安室

隨安者取其隨所遇而安之義故凡勝地虛庭明
牕淨几無不以是顏其軒蓋藉以觸目會心云耳
書室依林俯碧瀾太牕紗綠稱遐觀庭虛松柏泛清籟
坐久衣裳生峭寒觸目有懷皆遠俗忘言何處不隨安
爐烟晝永禽魚適長嘯一聲天地寬

秋夜齋居

歸鴉噪庭樹暮色侵虛殿漏遲秋夜長幾暇分陰羨懷

古鑒興亡撫時戒安晏祇茲乾惕衷願言終不變

九月二十八日雪次日立冬喜而有作

同雲暗空宇素雪灑宮城漸作霏霏勢徐聽淅淅聲
瑶林英乍綴麥壠綠方萌三白先冬令稍紓望歲情

賜總督高斌之任

淮揚底定早垂勲節鉞新開紫氣分自是經綸方藉展
可知魚水正需殷人言久慶江南雨物望應歸冀北雲
保障繭絲須識取編氓一路頌聲聞

題周鯤山水

雲峰霜葉鬪蒼紅
讀易蕭齋烟靄中
為問輕舟行近遠
秋波遙送一帆風

題十二月人物畫冊

正月

春信侵尋檻外梅
倚吟秉燭共徘徊
輕寒不入深庭院
女伴攜爐得得來

爛銀盤子上東墻
繡線花繁不讓光
翠蛾無語含情處

一夜春風卜短長

二月

胭脂勻綴小桃枝別苑春和二月時
鏡戶團圞清晝永
楸枰斜倚共敲碁

竹籬石逕罨牕紗逗漏春光日正賒
恹底阿香移步晚
為拈紅綠悞烹茶

三月

清明時節杏花天柳岸輕垂漠漠烟
最是春闈識風景

翠翹紅袖蹴鞦韆

曲池風靜鏡澄波
絲柳青輸兩鬢螺
未許人間輕比似
壺中遊戲半仙娥

四月

日日韶華鬪麗新
鼠姑獨殿一園春
蛾眉倚檻相看處
寂妬沉香亭畔人

天香國色兩相爭
轉覺詩人費品評
氣韻風標都不讓
只饒無語一般情

五月

池亭消夏坐薰風韻雜琴箏水竹同何用香奩重拂拭
綺羅人在鏡光中

翠竹陰森夏日長冰紈初試午風涼玉魚貼體微寒切
只少南方荔子嘗

六月

微風細雨柳垂絲荷芰香中語翠眉小立船頭渾不定
碧波新漲一篙時

滿湖霞錦漾微風
繡袂招呼挈伴同
不數麗華誇步步
春光六月綺羅叢

七月

桐軒晝靜綠針拋
綠倚紅偎笑語交
自是女郎工乞巧
柳州文筆漫相嘲

新秋庭院足清娛
綠蔭修梧三兩株
步履溪橋怯無力
娉婷紅袖倩人扶

八月

石欄微冷透冰紗
徙倚中宵玩月華
環珮風清涼夜永
水晶宮裏綠華家

峭寒已切薄羅裳
雲外風飄桂子香
拍點秋光含意處
遙空月色正蒼蒼

九月

深秋黃葉著霜添
砌畔寒花映綺簾
何必東籬誇勝賞
風情都付女陶潛

迴廊楓栢染新丹
幾許秋光結伴看
莫道綺羅人怯弱

冰肌原不畏輕寒

十月

深閨寂靜重帷暖
爨鼎縱橫白壁雙
消遣閒情寒不到
小陽春日度明牕

何處行來洛浦仙
衣裳如霧鬢如煙
瑤池玉簡羣尋檢
不數米家書畫船

十一月

文疏烘暖漏陽光
刺繡工夫一線長
捲起重簾風細處

愛他輕度小梅香

玉漏銅壺滴響遲
雲蛾無語立移時
幘間繡出雙蓮朵
多少幽情人未知

十二月

溫室重闌暖氣勻
堯家冬日是三春
寄言烹雪陶居士
漫傲銷金帳裏人

貼貼貂茸稱綠鬟
步來階雪印彎彎
粉墻屈曲重門鎖
獨共青衣一往還

冬夜寄興

素彩流牕月色涼
玉壺聲滴夜初長
篆凝細縷蘭烟紫
芳遞疎櫺菊蕊黃
暫得萬幾閒裏適
莫嫌七字靜中忙
吟餘彷彿當年樂
漉雪浮香苦茗嘗

日短

庭柯鳴籟急
蘿幌透寒多
室靜吟方永
牕明午又過
影颺風舞葉
流咽凍生波
珍重惜陰客
芸編好待摩

冬至齋居

對越乾乾矢素衷更臨

裡祀惕淵冲齋宮夜永穿松漏緹室陽回協月筭省歲
每期時不易占年惟望雪酬豐案頭編簡閒披閱舊學
商量慎始終

冬夜盆梅

葭管候飛灰元冥方駐節齋居溫室清盆卉屏間列消
息初陽復生意枝頭泄初看蓓蕾萌漸喜冰玉纈搖檠
素影間裊篆寒芳潔化工運鴻鑪貞元每嬾迭却欣一

夕榮漫憶經年別

遐矚樓

宇空千里近樓迴一牕虛坐久塵氛遠曠懷寄太初

溪田圍綠野樂事在桑麻一幅幽風景凭高玩歲華

樓在

豐澤園中康熙年間所建

涵元朔氣通松檜鏡光中南望仙壺景蓬瀛不在東

涵元

瀛臺殿名也在豐澤園之南

雕甍煥蚪龍飛閣連雲漢芸編散古香樂此不知倦

林空帷乍捲冰合鏡逾明
登覽非娛目憑觀萬物情

十二月十一日恭受

皇考實錄聖訓禮成陞殿受賀感成近體六韻

金管研摩久

瑤編拜受新

聖蹤垂奕禩嘉禮值茲辰
旭暖旗常影風和殿陞春祇
迎欽

陟降捧讀切遵循緬想

無為治還同造物仁步趨長有志頰首望前塵

題刻畫伽楠香山九老圖

風流少傅十年間結社香山共往還漫道滄桑多變幻
試看常住是香山

除夕立春

饒年兼饒臘迎春勝綵裝屏麗盤椒獻座新餘
寒退殘夜韶景入元辰應律敷陽德還思與物均

御製詩初集卷七